

Noticia  
Transparente  
di Gobierno

# ISLA ONLINE

Diaranson 24 April 2024

Email: [IslaOnline@gobierno.aw](mailto:IslaOnline@gobierno.aw) Tel: 528-4952

ARTE DI MURAYA  
SAN NICOLAS



**STABILIDAD  
Y  
PROSPERIDAD**  
2 0 2 4



**Gabinete Wever-Croes**





**Hunto cu paisnan den Reino:**

## **ARUBA TA FIRMA E AGENDA DI CLIMA PA HENTER REINO**

**"Aruba ta compromete na cumpli cu e agenda climatico pa asina haci di Aruba un isla mas sostenibel y fuerte"**




Diaranson mainta, Prome Minister Evelyn Wever-Croes a atende un reunion hunto cu Minister Rob Jetten y Minister Mark Harbers di Hulanda, hunto cu tur e isla/ paisnan den Reino. Presente durante e reunion tabata Prome Minister Gilmar Pisas di Corsou, Prome Minister Silveria Jacobs di Sint Maarten, y e Gezaghebbernan di Boneiro, Saba, y St Eustasius.

E topico di e reunion tabata e agenda climatico, na unda cu durante e reunion cada un a firma nan compromiso pa cu e 8 puntonan stipula den e agenda. Prome Minister a indica, cu e firma aki Aruba ta duna su compromiso pa sigui den e pasonan pa yega na cumpli cu e metanan pa haci Aruba un pais mas sostenibel y fuerte contra e cambionan climatico.

Manera ta conoci, cambio climatico ta bin debi na e temperatura cu ta aumentando, y esaki por wordo sinti den yobidanan mas fuerte, cu ta ocasiona daño na nos careteranan, coral y beachnan.

Prome Minister a indica cu e idea pa yega na un agenda di clima pa henter Reino, a nace aña pasa na Aruba durante e conferencia di Energia & Clima cu Aruba a organisa hunto cu Minister Jetten. Aki ta unda Aruba a duna su compromiso, y Hulanda a compromete nan mes pa pone fondo disponibel pa asina yuda Aruba, Boneiro, Corsou, Sint Maarten, Saba y St



Eustasius.

Cu e firmamento di e agenda climatico, e paisnan a yega na un acuerdo climatico cu ta consisti di 8 punto. E puntonan ta inclui;

1. pa accelera e transicion di energia y pa tin miho acceso na energia limpi y pagabel;
2. pa tin un infraestructura resiliente pa cu e cambio climatico;
3. pa mehora e maneho di awa y di desperdicio;
4. pa stimula un economia circular y sostenibel;
5. pa intensiva proteccion di e ecosistema;
6. pa bin cu incentivonan economico y financiero;
7. pa traha mas hunto y comparti e sabiduria y conocimiento cu nos tin;
8. pa monitoria y evalua.

Esaki ta e acuerdonan cu a wordo palabra y firma durante e reunion, na unda cu Hulanda lo pone fondo disponibel pa e paisnan den Reino por cumpli cu e puntonan aki.

Prome Minister a expresa di ta sumamente satisfecho cu e resultado di e reunion aki, na unda por mira cu despues di e conferencia aña pasa, aworaki tur cos ta birando mas concreto na unda Hulanda lo pone su fondonan y cu e ta dispuesto pa yuda nos logra cimpli cu e agenda climatico. ■■■





## MINISTER ARENDS TA PROMOVE RESILIENCIA AMBIENTAL NA E EARTH DAY FORUM 2024

Den un esfuerzo ambicioso pa subraya e urgencia di resiliencia climatico, Ministerio di Naturalesa orguyosamente a organisa e 'Earth Day Forum 2024'. E evento cu a tuma luga Dia di Mama Tera, 22 di april na Hilton Aruba Caribbean Resort & Casino a trece hunto varios gruponan di interes pa intercambia conocimiento y experiencia tocante cambio climatico.

E evento a presenta un discurso principal door di Dr. Ryan Peterson, presidente di e Consejo Nacional di Resiliencia Climatico (NCRC), kende a elabora ariba e progreso haci den proteccion ambiental y stapnan cu falta. Ademá a organisa tres panel di discusion tocante e impactonan di cambio climatico, adaptacionnan necesario, oportunidadnan pa financiamiento y inversion pa aumenta resiliencia climatico.

Un resultado di e Earth Day Forum tabata e firmamento di un acuerdo entre gruponan di interes pa continua colaboracion pa medio di e Consejo Nacional di Resiliencia Climatico (NCRC) y Stimson Center. Cu e colaboracion estableci por enfoca ariba implementacion di un "Climate and Ocean Risk Vulnerability Index" (CORVI) y un roadmap pa Aruba combati efectonan di cambio climatico. E partner nan cu a firma e acuerdo aki ta Gobierno di Aruba representa door di Ministers Ursell Arends y Minister Geoffrey Wever, Aruba Airport Authority N.V., Arubabank N.V., Aruba Hotel and Tourism Association, Centrale Bank van Aruba, MetaCorp N.V., Setar N.V., WEB Aruba N.V. y Utilities Aruba N.V.

Reflehando ariba e prome Earth Day Forum aña pasa, cu a lansa e trayecto legislativo pa Derecho di Naturalesa, Minister Arends a nota, "Aña pasa nos a establece e caminda legislativo pa Derechonan di Naturalesa, y e aña aki nos ta enfrenta



cambio climatico directamente. Esaki ta nos momento pa asegura cu cada sector ta mobilisa pa atende cu e desafionan ambiental cu nos ta enfrenta."

Ministerio di Naturalesa ta extende un palabra di gradicimento na tur orador, miembro di prensa, y participantenan di e Earth Day Forum 2024. ■





## PREMIO EXCELENCIA DEN DEPORTE A RECONOCE BALUARTE DEPORTIVO MILBURGA "MILA" MARTINUS



Durante Premio Excelencia den Deporte diabierna anochi, a reconoce baluarte deportivo Sra. Milburga "Mila" Martinus pa contribui gran parti di su bida den e desaroyo di deporte di Aruba.

Milburga Martinus, miho conoci como Mila, a nace dia 23 februari 1959 na San Nicolas, Aruba. Sra. Mila ta un gran baluarte di softball di Aruba y Antiya, medayista di oro. Mila a practica e deporte di softball di 1968 te cu 2018, pues durante 50 aña. Ademá di softball, Sra. Mila a destaca den e deportenan di volleyball, basketball y futbol. Sra. Mila a cuminsa hunga softball na aña 1968 cu 9 aña di edad cu S.V. Plymouth cu despues a bira S.V. Plymouth/Coca Cola, cu su tata dft Edilio "Palo Bieu Pagigi" Martinus como manager y su mama dft Sra. Susanna "Mama Tesha" Martinus, como un di e miho pitchernan cu Aruba y Antiya a yega di conoce.

Na aña 1976 tempo cu Sra. Mila tabatin 17 aña di edad, a wordo selecta pa hunga den Seleccion di Antiyas den

Campeonato Centro Americano y del Caribe na El Salvador, di cual nan a gana Mexico, logrando medaya di oro. Mila ta un di e tres personanan di Aruba cu riba nivel di campeonato a logra medaya di oro den e disciplina di softball. Despues di esaki, Sra. Mila a cuminsa hunga cu Seleccion di Aruba, unda cu a biaha diferente pais y a laga Aruba su nomber den halto.

Na aña 2011 Sra. Mila a dicidi bin cu un Campeonato Internacional di 35+. Sra. Mila a duna e campeonato e nomber di Caribbean 35+ Women Softball Tournament, cu awendia ta conta cu ocho (8) team di cinco (5) pais entre otro, Aruba, Boneiro, Corsou, Sint Maarten y Hulanda. Edad ta varia entre 35 pa 65 aña y cada aña un pais ta anfitrión di e campeonato.

Minister Endy Croes ta felicita Sra. Mila Martinus cu su gran logronan. Danki pa contribui enormemente den e desaroyo di deporte di Aruba y pone Aruba su nomber briya. Aruba ta hopi orguyoso di bo. ■■■



## Minister Endy Croes:

# AWE 24 DI APRIL, NOS TA RECORDA CU 41 AÑA PASA NOS GRAN LIBERTADOR BETICO CROES A WORDO TIRA DOOR DI UN AGENTE POLICIAL RIBA VELD DI WINSTON

24 di april, ta un fecha historico pa Pais Aruba, como cu riba e fecha ey na aña 1983, 41 aña pasa, nos Libertador Betico Croes a wordo tira pa un agente policial na Veld di Winston. Minister Endy Croes tabata un mucha e tempo ey y ta recorda cu e tabata presente na e sitio. Esaki a sosode un siman prome cu eleccion y ainda e mandatario ta corda con pueblo a reacciona na e momento devastador ey.

E eleccion ey tabata despues cu nos lider inmortal Betico Croes a logra dia 12 di maart 1983 e Status Aparte pa Aruba. A pesar cu el a ricibi un bala y tabata den exterior, pueblo a sa di honr'e cu 10.506 voto. E tempo ey solamente 35.898 hende por a vota aki na Aruba, cual 20.788 persona a vota MEP. Awe nos ta recorda e trayectoria impresionante cu e Partido di MEP a pasa aden. Masha danki na tur cu e sostene e lucha aki, na tur homber y muhe balente cu a sostene nos Libertador Betico Croes.



## SR. JEFFREY NEDD A RICIBI RECONOCIMIENTO OLY DURANTE PREMIO EXCELENCIA DEN DEPORTE



Diabierna ultimo, Premio Excelencia den Deporte a reconoce cuater (4) atleta olimpico. Presidente di Asociacion Arubano di Atletanan Olimpico, Sr. Isnardo Faro a haci entrega di un certificado y pin di Olympians for Life (OLY) pa nan esfuerso y promove e balornan olimpico. Sr. Jeffrey Nedd, miho conoci como Jeff a participa cu e edad di 31 aña den e deporte di boxeo den e categoria di 75-81 kilogram (light heavy weight) na Weganan Olimpico na Seoul, Sur Korea na aña 1988.

Sr. Jeff su logronan internacional mas importante ta entre otro, na aña 1984, ora cu el a gana e campeon hubenil di Santo



Domingo Guillermo Mejia; na aña 1988 el a gana e medaya di plata na e Torneo Internacional Bataya de Carabobo na Venezuela; riba 12 di mei 1989 durante e di 10 aniversario di Aruba Boxing Association, el a gana Harold Aroyo (campeon di Puerto Rico den e division di super heavyweight y medayista di oro di e Campeonato Bataya di Carabobo na Venezuela e aña anterior). Sr. Jeff su logronan den e mundo deportivo ta un ehempel bibo di e cuater D-nan pa tin exito, cual ta deseo, disciplina, dedicacion y determinacion. Minister Endy Croes ta felicita Sr. Jeffrey Nedd pa su exitoso logronan deportivo.





Fundacion Mi Voz Ta Bo Voz, Comision Nacional di Abuso Sexual di Mucha  
y Gobierno di Aruba ta presenta:

# Charla Conscientisacion y Prevencion di Abuso di Mucha

## Speakers:

Drs. Melva Croes-Yanez | NeuroPsycholoog

Dr. Audrey Khan | Klinische Psycholoog

Sra. Magali Maduro | Directora Bureau Sostenemi

Sra. Omaira Britten | Poeta

**7 pm - 9 pm**

MFA NOORD  
MFA PARADERA

**11 april 2024**  
**18 april 2024**

MFA STA CRUZ  
MFA SAVANETA

**25 april 2024**  
**30 april 2024**

*Nos muchanan Nos responsabilidad!*



# 2024

## AÑA DI STABILIDAD Y PROSPERIDAD



### Gabinete Wever-Croes

Ora nos cana den cayanan di San Nicolas cu ta dorna cu artenan mahestraal aki, nos ta realisa cu bunitesa por wordo haya den luganan menos spera. Arte di muraya ta e language visual cu ta conecta culturanan, na unda cu por aprecia historia, color, fantasia y dedicacion.

